

Quod Religiosi Societatis Clericorum Regularium Jesu, etiam sacris Ordinibus non initiati, verbum Dei predicare possint.

Alia de hac Religione indicavi tibi in Constit. XXXI. Pauli III. Regimini, qui eam primo confirmavit. Tom. IV. Par. I. fol. 185.

GREGORIUS PAPA XIII.

Dilectis filiis Prapósito, & Religiosis Societatis Jesu, salutem & Apost. benedictionem.

Causa hujus declarationis.

Vigore privilegii vestrae Societatis a fel. rec. Paulo Papa III. Praedecessore nostro concessi, ut vestrum quisque idoneus, & a Prapósito pro tempore existente ejusdem Societatis deputatus, verbum Dei publice predicare, & qui ex vobis Presbyteri fuerint quorumcumque utriusque sexus Christianissimum Confessiones audire possint ex illo concessionis hujusmodi tempore, etiam Scholares, & alii Religiosi vestri sacris ordinibus nondum initiati, alias tamen idonei ad praedicandum verbum Dei passim, & ubique mittantur. Verum quia nonnullis dubitatio curiosius incessit, an dictum privilegium praedicandi, etiam eos comprehendat, qui ad Ordines ipsos nondum ascenderunt.

Declaratio de qua in rubr.

§.1. Nos quomcumque hoc scrupulo eximere volentes, praesentium auctoritate declaramus, ac etiam decernimus, vestrum unicuique etiam ad sacros Ordines praedictos non promoti, praedicationis munus in vim privilegii hujusmodi exercere potuisse, & posse. Vobis insuper concedentes, ut etiam Clerici vestri prima tantum tonsura insigniti, prout hucusque fecerunt, valeat deinceps ipsum Dei verbum ubique populo praedicare.

Inhibito contra perturbatores.

§.2. Districte inhiibentes universis, & singulis locorum Ordinariis, & quibusvis aliis quacumque dignitate, & auctoritate fungentibus, ne quemquam vestrum quovis praetextu praemissorum occasione, impedire, vel molestare audeant quoquo modo.

Derogatio contrariorum.

§.3. Non obstantibus Apostolicis, ac in generalibus, & provincialibus Conciliis editis, generalibus, vel specialibus, Constitutionibus, & Ordinationibus, ceterisque contrariis quibuscumque.

Fides transcriptorum.

§.4. Volumus autem ut praesentium transcriptis, etiam impressis, manu Notarii publici, seu Secretarii Societatis, subscriptis, & sigillo personae in dignitate ecclesiastica constitutae, seu etiam d. Societatis Prapósiti generalis munitis, eadem prorsus fides adhibeatur, quae ipsis praesentibus adhibetur, si essent exhibitae, vel ostense.

D.P. An. XIII 20. Novemb.

Datum Romae apud S. Marcum, sub Annulo Piscatoris, die 20. Novemb. 1584., Pont. nostri Anno XIII.

De forma, qua Clerici R. C. Apostolicae expeditiones Camerales signare debent, sub nomine, & sigillo S. R. E. Cardinalis Camerarii.

GREGORIUS EPISCOPUS

SERVUS SERVORUM DEI

Ad perpetuam rei memoriam.

Quae a Rom. Pontificibus optima ratione sunt decreta, ac roborata ea ne senium labefactentur, & perant, nostrum in primis est officium providere.

Exordium.

§.1. Olim igitur fel. rec. Paulus Papa Tertius Praedecessor noster, propositis poenis gravissimis officiorum, & beneficiorum privativis, atque excommunicationis latae sententiae ipso facto incurrendis perpetua Const. prohibuit Decano, & Clericis Camerae Apostolicae, qui omnia, quae in eadem Camera agunt, S. R. E. Camerarii nomine agunt, ne res Camerales infcio ipso Camerario, cui rerum, & jurium Camerae cura est specialiter commissa, quique viva vocis oraculum habet, & in suo officio personam Pontificis representat, ullo modo expeditent, neve ullas expeditiones Camerales gratiam, vel justitiam concernentes, seu mixtas, aut ab illis dependentes, aliter quam sub nomine Camerarii, & sub sigillis penes ipsum existentibus, facere aut expedire possint.

Paulus III. eius Constitutio non est hic, iuste Clericos expeditiones dare sub nomine & sigillo Camerarii.

§.2. Postea vero pia mem. Julius Papa III. dictam Pauli Praedecessoris Constitutionem cum omnibus suis clausulis approbavit, & innovavit, decrevitque, quod Camerarius solus possit Officii sui sigillum tenere, Clerici vero, & Decanus dictae Camerae sigillum nullum habere possint.

Julius III. ea refert, & approbat.

§.3. Et quamvis decreta hujusmodi, & propter suam ipsorum aequitatem, & propter Romanorum Pont. auctoritatem, & propter poenarum in eis propositarum gravitatem, debuisse diligentissime servari, quemadmodum antea fuerant servata; Tamen, ut accepimus, nonnullis abhinc annis violari coepta esse, ac multas recentes Camerales expeditiones, tam gratiam, quam justitiam, aliaque negotia concernentes, sine debito atque usitato nomine Camerarii, & eius sigillo, sine solita subscriptione, Visa, &c. privatim autem, & singulariter sub ipsorum Clericorum, etiam praetextu rescriptorum, & commissionum ipsis singulis, seu etiam ipsis omnibus Clericis directarum nominibus, & sigillis factas, totidemque in Camera sigilla, quot in ea sunt Clerici irrepsisse, novumque expediendi genus, tam in Curia quam extra introductum esse, sub praetextu tit. Praefecturae, Annonae, Praesidentatum viarum, Dohanarum, Grasciae, Zecchae, Riparum, Carcerum, superintendentiae Collis Scipionis, aliisque noviter repertis Salariae, & Gabellae carnis, privatis etiam singulorum Secretariis quandoque ad hujusmodi expeditiones adhibitis; sique tam vigore com-

Sed tamen Clerici abiq. nomine, & sigillo Camerarii expeditiones dare sub nomine cum clausulis hic expressis dabant.

missionum, & rescriptorum, in causis Cameralibus, & aliis infra scriptis, quam etiam auctoritate ordinaria, ac ex decreto Camerae, monitoria, decreta, citationes mandata executiva, brachia secularia, aliasque expeditiones, Annonam, Vias, Ripas, Dohanas, Grasciam, Carceres, Zeccam, superintendentiam Collis Scipionis, Salarium, Gabellam carnis, Annotam, Quindennia, Spolia, ac Commissariarum deputaciones, omnis plerumque fideiussionibus, & juramentis, praestari consuetis, expedita esse novis cum clausulis, Camerario tantum, & non supra dictis Clericis permittis, ac convenientibus, dum alii ita scribunt. Expositum fuit Nobis in Camera Apostolica; alii, auctoritate qua fungimur in hac parte: alii juxta mandatum Sanctissimi Nobis ore tenus factum; alii, Datum Romae in Camera Apostolica; alii, Datum Romae in Palatio Nostro; & haec nonnumquam sola cum subscriptione Auditorum, aut Secretariorum dictorum Clericorum, talibus etiam expeditionibus in Camera quandoque minime registratis, magna cum summi Camerariatus Tribunalis indignitate, & rerum tum privatarum tum publicarum incommodo, & factura, etiam aliquando Clericos causas a Camerario ad se advocasse, Camerarioque inhiibuisse.

Ideo hic Pontifex innovat, & confirmat dictas Constitutiones Pauli III., & Julii III., & invalidas esse, decernit praedictas exped. a Clericis faciendas.

§.4. His igitur omnibus intellectis, perspectaque inanitate causarum hujus tantae rerum perturbationis a dictis Clericis ad executionem propositarum, indignum judicantes, iuxta, ac legitima Romani Pontificis decreta perfringi privata licentia, neque suum Camerario jus atque honorem, ab his praesertim, quorum ipse est caput, relinqui, & conservari, istumque Clerico- rum expediendi modum contra antiquas expeditiones, & Const. Apostolicas esse intelligentes, Motu proprio, & ex certa scientia nostra, deque Apostolica potestatis plenitudine, hac nostra perpetua Constitutione, supra dictas, Rom. Pontificum Praedecessorum nostrorum Constitutiones, declarationes, & decreta omnia, auctoritate Apostolica tenore praesentium approbamus, & confirmamus, & quatenus opus sit, eadem omnia de novo decernimus, dictisque Clerico- rum expeditiones omnes, necnon banna, edicta, causarum a Camerario avocations, & inhiibitiones de cetero faciendas, nullas, irritas, & invalidas ex nunc esse declaramus, omnesque a dictis Clericis ita ut dictum est, ad quaevis officia, exercitia, curaciones, administrationes deputatos revocamus, neve se in eis amplius ingerere possint sub poenis nostro, & Rom. Pontificis pro tempore existentis arbitrio statuendis, prohibemus.

Praecepitque eisdem Clericis, ut omnes expeditiones sub nomine, & sigillo Camerarii fiant, & cum sola subscriptione, visa, &c. exceptis

§.5. Eisdem quoque Decano, & Clericis universis, & singulis, nunc pro tempore existentibus, sub omnibus poenis, quae per supra dictas Constitutiones irrogantur, ipso facto incurrendis, praecipimus, & mandamus, ne ullo unquam tempore, sive univcrse sive privatim, & singulariter, quicquam, etiam vigore quorumcumque Bull. Rom. Tom. IV. Par. IV.

officiorum, praesidentatum, & praefectarum, seu rescriptorum, & commissionum, etiam manu nostra, vel successorum nostrorum signatarum, ipsis Clericis, & cuicumque eorum directarum expedire possint, nec quascumque patentes literas, ac supra dictas, aliasque ejusmodi expeditiones, aliter quam sub nomine, & sigillo Camerarii facere, aut subscribere audeant, neque alia subscriptione uti, quam Visa, &c. neque expeditiones alibi, quam in Camera registrari patiantur; Haecque in omnibus expeditionibus per Clericos supra dictos faciendis diligenter servari volumus, & mandamus, exceptis dumtaxat, & reservatis Guberniis Civitatis Veteris, Tulliphae, Casarum, & Terrarum Arnulphorum, in quibus de more expedire possint.

Inhibet Notariis ne expeditiones aliter scribant.

§.6. Sub eisdem quoque poenis omnibus ejusdem Camerae Notariis inhiibemus, ne in posterum praedictas, nec ullas alias expeditiones quocumque nomine appellatas, gratiam, vel justitiam concernentes, aut mixtas, tam in Rom. Curia, quam extra eam, aliter quam sub nomine, & sigillis pro tempore existentis Camerarii scribere, aut expedire audeant.

Jubet etiam Clericos, & Auditoribus, &c. ne expeditiones super rebus ad Cameram pertinentibus subscribant.

§.7. Itidem quoque, & sub eisdem poenis, simili modo incurrendis inhiibemus dictorum Clericorum Secretariis, & Auditoribus, & aliis quibuscumque extra Cameram existentibus, ne ullas omnino expeditiones ex supra dictis, nec alias quascumque super rebus ad dictam Cameram pertinentibus, vel ab eis dependentibus facere, aut subscribere, seu in eis se ingerere quocumque praetextu, seu colore audeant.

Camerae expeditiones, & tracta fragmenta spectant ad Camerarium.

§.8. Omnes autem supra dictas, & alias Camerales expeditiones, necnon tractas tritici, & aliarum segetum, etiam extra Statum Ecclesiasticum, earumque expeditiones ad Camerarium solum, & non ad alium spectare, & pertinere decernimus.

Decretum irritans.

§.9. Et quas contra formam hujus nostrae Const. in totum, vel in partem in futurum fieri contigerit, omnino nullas atque irritas esse declaramus. Siquae per quoscumque judices, ordinarios, & delegatos, etiam causarum Palatii Apostolici Auditores, & S. R. E. Cardinales, sublata eis, & orum cuilibet quavis aliter judicandi, & interpretandi facultate, & auctoritate, judicari, & decidi debere mandamus. Decernentes irritum, & inane, si secus super his a quoquam quavis auctoritate, scienter, vel ignoranter contigerit attentari.

Camerarii facultates contra inobedientes.

§.10. Ac mandantes dilecto filio nostro Philippo S. Angeli in foro piscium Diacono Card. Vastavillano moderno, ac pro tempore esistenti, nostro, & S. R. E. Camerario, ut pro praemissorum observatione, executione, & implemento, omnibus, & singulis praefatis, & quibus opus fuerit, praecipiat, mandet, & inhiibeat, illosque citet, cogat, & compellat, & alias prout sibi videbitur, contra eos procedat, ceteraque alia faciat, & exequatur, quae in praemissis, & circa ea necessaria fuerint, & sibi videbuntur quomodolibet opportuna.

na. Nos enim motu, & potestatis plenitudine similibus eidem Philippo Card. & Camerario, ultra ejus potestatem, & auctoritatem, in præmissis plenissimam licentiam, & facultatem concedimus.

§.11. Non obstantibus præmissis, & nostra de non tollendo jure quaesito, ac aliis Apostolicis Constitutionibus, distaque Cameræ juramento, confirmatione Apostolica, vel quavis firmitate alia roboratis statutis, & consuetudinibus, necnon privilegiis, indultis, & literis Apostolicis illis, ac prædictis Præfidentibus, & Clericis quomodocumque concessis, confirmatis, & innovatis, quibus omnibus illorum tenores, perinde, ac si ad verbum infererentur præsentibus, pro sufficienter expressis habentes, harum serie ad effectum omnium præmissorum, specialiter, & expresse derogamus, contrariis quibuscumque, aut si Decano, Clericis, ceterisque prædictis, ac quibusvis aliis, communiter, vel divisim ab Apostolica sit Sede indultum, quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem. Nulli ergo &c.

D.P. An. XIII
5. Decemb.
Dat. Romæ apud S. Petrum, Anno Incarnationis Dominicæ, millesimo quingentesimo octuagesimo quarto, Nonis Decembris, Pont. nostri Anno XIII.

CLXXVI.

Institutio Confraternitatis seu Congregationis Externorum Scholarium, studii Collegii Societatis Jesu de Urbe institutum sub invocatione Annunciationis B. Mariæ, ad pia opera exercendum. Et facultas alias aggregandi Congregationes, cum Indulgentiarum communicatione.

GREGORIUS EPISCOPUS
SERVUS SERVORUM DEI
Ad perpetuam rei memoriam.

Exordium. Omnipotentis Dei Salvatoris Nostri, qui ex pietatis suæ superabundantia, fidelium mentibus Cælestis inspirationis gratiam, & devotionis ardorem, ad divinæ Majestatis obsequia, & piorum operum exercitia salubriter peragenda, continuo infundit, exemplo adducti, in eam Pastoralis officii curam, cogitationemque sedulo incumbimus, per quam ipsorum fidelium fructuositas hujusmodi operibus, & exercitiis vacantium religio, & devotio continuum suscipiat incrementum, eisque votiva salus proveniat animarum.

§.1. Alias siquidem per Nos accepto quod plerique probi, & pii adolescentes, bonarum literarum studiis in Collegio nostro Societatis Jesu de Urbe insistentes, singulari erga Beatissimam Mariam Virginem Dei Genitricem affectu ducti, ac etiam Lectorum, & Magistrorum suorum spiritualibus cohortationibus ad id accensi, Ecclesiam Annunciationis ejusdem B. Mariæ in

Pii adolescentium
Studii
Collegii Societatis
Jesu de Urbe insistentes,
ad pia opera, hic enunciatam
exercendum se conlocant.

corpore ædificiorum, d. Collegii consistentem, certis statutis diebus, & horis frequentare, & cum eximia devotionis sinceritate, cordisque contritione, conscientiam suam per Confessionis, & Sanctissimæ Eucharistiæ ministerium expurgare, ac divinis Officiis, colloquiis, & exhortationibus spiritualibus, aliisque piis, & salutaribus operibus vacare soliti erant, factoque inde ad illorum exemplum majore aliorum concursu, mutuis studiis se invicem confociaverant. Nos ut pium hoc institutum per amplius coalesceret, eidem, & aliis Christifidelibus, hujusmodi spiritualibus operibus, & exercitiis pro tempore adiectis, nonnullas Indulgentias, & peccatorum suorum remissiones concessimus, prout in nostris inde concessis literis plenius continetur.

§.2. Cum autem sicut exhibita Nobis nuper pro parte dilecti Filii Præpositi Generalis dictæ Societatis petitio continebat, in diversis Mundi partibus, & præsertim insignioribus Europæ Civitatibus, ejusdem Societatis Collegia ad juventutem bonis moribus, & virtutibus ornandam, ac vera pietate, sanæque doctrina imbuendam, propagare, illorumque externi Scholares ibidem studiorum causa confluentes, optima devotionis, & piorum operum hujusmodi exercitia ferventi studio imitari, & exinde multiplices fructus ad Dei gloriam ipsiusque divini Numinis cultum, ac B. Mariæ Virginis honorem, necnon publicam salutem, & spiritualem consolationem provenire cœperint.

§.3. Et opera prædicta sit, ut quemadmodum piarum, & fructuosarum exercitiorum hujusmodi institutum a Scholaribus dicti Collegii de Urbe, quod nostris auspiciis, & impensis, magnifico ædificiorum, & structurarum opere a fundamentis innovatur, & extruitur, primordium suum in dicta Ecclesia Annunciationis B. Mariæ habuit; ita quoque inibi eorundem Scholarium primaria Congregatio, seu primarium Sodalitium, sub titulo ejusdem Annunciationis B. Mariæ ad laudabile eorum in piis operibus, & officiis hujusmodi studium nostris beneficiis, & Indulgentiarum præmiis conservandum ac augendum, stabilietur, & instituetur, pro parte ipsius Præpositi Nobis fuit humiliter supplicatum, ut præmissis annuere, & desuper opportune providere de benignitate Apostolica dignaremur.

§.4. Nos igitur religiosorum ipsorum Scholarium, & in his, spiritualibus exercitiis studium, piæ voluntatis affectu prosequi volentes, ipsamque Præpositum a quibusvis Excommunicationis, suspensionis, & interdicti, aliisque Ecclesiasticis sententiis, censuris, & penis, a jure vel ab homine, quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes: Necnon literarum prædictarum tenores præsentibus pro expressis habentes;

Postea in diversis mundi partibus, ubi sunt d. Societatis Collegia, externi Scholares, eadem imitari cœperunt.

Unde opportunum videtur, ut stabilietur in dicta Ecclesia de Urbe, Primaria Congregatio, a qua alie ortum habuerunt.

Hic ideo Pontifex eam ibi erigit, sub religione Præpositi Generalis Societatis Jesu.

bentes; hujusmodi supplicationibus inclinati, in eadem Ecclesia, unam seu unum, externorum Scholarium dicti Collegii nostri, ac etiam aliorum Christifidelium Societati prædictæ devotorum primariam Congregationem, seu primarium Sodalitium, sub titulo Annunciationis B. Mariæ hujusmodi, quæ, seu quod per prædictum, & pro tempore existentem Præpositum Generalem dictæ Societatis, seu illo defuncto, donec alius ad Officium Præpositi Generalis hujusmodi canonice assumatur, per Vicarium etiam Generalem ejusdem Societatis dirigi debeat, Apostolica auctoritate tenere præsentium perpetuo, sine tamen ipsius Societatis præjudicio, erigimus, & instituiamus.

Sodalibus, Indulgentiam plenariam, in ingressu, & articulo mortis elargitur.

§.5. Ut autem primaria Congregatio, seu primarium Sodalitium hujusmodi, per gratiarum, & munerum Cælestium largitionem, devotionis ac pietatis jugiter proficiant incrementis, de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, omnibus, & singulis Christifidelibus vere poenitentibus, & confessis, qui deinceps in Sodales ejusdem primarie Congregationis, seu primarii Sodalitii recipiuntur; tam die receptionis eorum, si Sanctissimum Eucharistiæ Sacramentum in prædicta Ecclesia aut ubicumque potuerint, eo die sumperint, quam in mortis articulo.

Visitantibus ejus Ecclesiam die Annunciationis B. Mariæ.

§.6. Necnon ipsis, ac omnibus, & singulis aliis utriusque sexus Christifidelibus etiam vere poenitentibus, & confessis, sacraque Communionem refectis, qui Ecclesiam prædictam die festivitatis ejusdem Annunciationis B. Mariæ a primis vespere usque ad occasum solis ipsius festivitatis devote visitaverint, & inibi pro Reipublice Christiane conservatione, & augmento, hæresum extirpatione, Principumque Christianorum mutua, & Universali pace, ac nostra, & pro tempore existent. Romanorum Pontificum prosperitate, vel alias preces, prout unicuique suggeret devotio, ad Deum devote effuderint.

Sodalibus confessis &c. diebus hic expressis, Indulgentiam plenariam concedit.

§.7. Insuper eisdem Sodalibus similiter vere poenitentibus, & confessis, qui in Nativitatis, & Ascensionis Domini Nostri Jesu Christi, ac Annunciationis, Assumptionis, & Conceptionis, necnon Nativitatis B. Mariæ Virginis festis diebus, prædictum Sanctissimum Sacramentum, ibidem vel alibi acceperint, plenariam omnium peccatorum suorum indulgentiam, & remissionem, Apostolica auctoritate, & tenore prædictis misericorditer in Domino concedimus, & elargimur.

Annus autem de poenitentibus relaxat: Sodalibus associatis corpora ad sepulturam Ecclesiasticam associaverint.

§.8. Ipsisque Sodalibus, qui de eorum numero existentium, vel aliorum Christifidelium Defunctorum corpora ad sepulturam Ecclesiasticam associaverint.

Aut si impediti sunt, pro defunctis, vel infirmis orantibus.

§.9. Aut infirmi vel impediti, audito signo campanæ, genuflexi, si per infirmitatem licebit, orationem Dominicam, & Salutationem Angelicam, pro salute Animæ Defuncti, vel Corporis infirmi recitaverint.

Bull. Rom. Tom. IV. Par. IV.

§.10. Necnon qui Congregationibus, tam publicis quam privatis, ac divinis Officiis, spiritualibusque colloquiis exhortationibus, & aliis piis Officiis, etiam in Sodalibus, seu aliorum Christifidelium Defunctorum suffragium per primariam Congregationem, seu primarium Sodalitium ordinandis, & ab ipso Præposito, seu Vicario Generali approbandis, quique diebus feriatibus Missæ Sacrificio interfuerint.

Incessantibusque Congregationibus.

§.11. Aut Vespertino tempore antequam cubent, conscientiam suam diligenter examinaverint.

Conscientiam examinantibus.

§.12. Seu pauperes infirmos, tam Sodales quam alios in hospitalibus, vel privatis domibus, necnon Carceratos visitaverint.

Infirmos, vel carceratos visitantibus.

§.13. Aut pacem inter inimicos conciliaverint, quoties horum quodvis fecerint, unum annum de eis iniunctis, vel alias quomodolibet debitis poenitentis Apostolicæ auctoritate, & tenore similibus etiam misericorditer in Domino relaxamus.

Inimicosque reconciliantibus.

§.14. Quacumque alias præsentibus non expressas Indulgentias, & peccatorum remissiones, etiam plenarias, & relaxationes Scholaribus, & aliis prædictis, ratione dicti eorum instituti, vel alias in communi per Nos, & Sedem Apostolicam quomodolibet concessas revocando, & abrogando.

Revocatio scholarium indulgentiarum.

§.15. Insuper ne præfati Sodales, si aliquando eos ab ipsa Urbe abesse, vel alibi commorari contingat, hujusmodi indulgentiarum, & aliarum gratiarum spiritualium effectu, & fructu frustrati remaneant, eisdem Sodalibus extra Urbem ubivis locorum pro tempore commorantibus, ut in locis, ubi eos pro tempore residere, seu morari contigerit, opera prædicta, quæ ipsi Sodales in Urbe, præfentes pro singularum indulgentiarum, remissionum, & relaxationum hujusmodi consequitione observare deberent, apud Ecclesias eorundem locorum, aut alibi, prout poterunt, observando, & exequendo, omnes easdem indulgentias, remissiones, & relaxationes habeant, & illa eis pariter suffragentur.

Sodales absentes, & distantia opera exercebant eisdem Indulgentiis.

§.16. Necnon tam in Urbe, quam alibi ubivis locorum commorantes, Sodales primarie Congregationis, seu primarii Sodalitii hujusmodi, qui singulis quadragesimalibus, & aliis anni temporibus, ac diebus Stationum Ecclesiarum dictæ Urbis, & extra illius muros, quæ a Christifidelibus pro consequendis indulgentiis, & remissionibus visitari solent, d. Societatis, si ibi fuerint, alioquin aliam Ecclesiam, seu Cappellam in locis, ubi eos pro tempore residere, seu morari contigerit, ut præfetur, devote visitaverint, & ibi septies orationem Dominicam, & septies salutationem Angelicam recitaverint, tot, & easdem indulgentias consequantur, quas consequerentur, si iisdem temporibus, & diebus singulas Ecclesias dictæ Urbis, & extra illius muros hujusmodi pro eisdem Stationibus, & indulgentiis consequendis deputatas personaliter visitarent, ac omnia, & singula, quæ pro hujusmodi gratiarum consequu-

Et tam præfentes in Urbe, quam absentes, Stationes Urbis consequantur, visitando Ecclesiam, ut hic

1584. Facultas Præpositi generalis, aggregandi alias Congregationes.

sequitione quomodolibet requiruntur, plene adimplerenti §.17. Præterea eidem Præposito, seu Vicario Generali pro tempore existenti, ut in quibusvis aliis dictæ Societatis Collegiis extra Urbem prædictam, per uniuersum Orbem nunc & pro tempore erectis, seu eorum Ecclesiis pro eorundem piorum operum incremento, quascumque alias, seu quacumque alia Scholarium ibidem literarum studiis insistentium, & aliorum Christianissimorum ipsi Societati devotorum Congregationes, seu Sodalitia sub eo titulo Annunciationis B. Mariæ, quæ ab ipsa primaria Congregatione, seu primario Sodalitio tamquam membra a capite dependant, auctoritate nostra, sine tamen Societatis, aut Collegiorum, & Ecclesiarum huiusmodi præiudicio, erigere, & instituere.

Eiusque gratias, & Indulgentias communicandi.

§.18. Illasque, seu illa eidem primariæ Congregationi, seu primario Sodalitio aggregatis eorumque Sodalibus, prædictas ac omnes, & quascumque alias Indulgentias, peccatorum remissiones, relaxationes, gratias, & facultates, tam spirituales quam temporales, a Nobis, dictæque Sede primariæ Congregationi, seu primario Sodalitio de cetero concedendas, ita ut Sodalium aliarum Congregationum, seu aliorum Sodalitiorum huiusmodi, observantes, & exequentes ea, quæ ipsius primariæ Congregationis, seu primarii Sodalitii Sodalibus pro Indulgentiis, remissionibus, & relaxationibus huiusmodi consequendis, observare, & exequi debent, eisdem Indulgentias, peccatorum remissiones, & relaxationes pariter consequantur, facultate aggregandi, & gratias huiusmodi aliis concedendi dumtaxat excepta, communicare.

Congregationes visitandi, & statuta eorum regimini.

§.19. Necnon tam Primarium, seu Primarium, quam omnes, & singulas ei aggregandas Congregationes, seu omnia, & singula ei aggreganda Sodalitia huiusmodi, per se, vel alium, seu alios eiusdem Societatis Presbyteros idoneos ad id ab eo deputandos visitare, & pro earum felici statu, regimine, & directione, quacumque statuta, & decreta, licita tamen, & honesta, sacrisque Canonibus, & Concilii Tridentini decretis non contraria, necnon ab ipso Præposito, seu Vicario, si per alium, vel alios deputatos huiusmodi fiant, examinanda, & approbanda edere, ac postquam edita fuerint, quoties pro eorum, & temporum qualitate, aut alias expediens ei videbitur, immutare, corrigere, moderari, & reformare, aut alia ex integro condere, libere, & licite valeat, eisdem auctoritate Apostolica, & tenore perpetuo concedimus, & indulgemus. Decernentes statuta, constitutiones, & decreta huiusmodi, postquam edita, immutata, correctæ, moderata, reformata, & condita fuerint, ab omnibus Sodalibus prædictis inuoluntate observari debere.

Clausula præservativa.

§.20. Ac præsentis literas sub quibuscumque similibus, vel dissimilibus Indul-

gentiarum, & aliarum gratiarum revocationibus, suspensionibus, limitationibus, derogationibus, & aliis contrariis dispositionibus, etiam in favorem Basilicæ Principis Apostolorum de Urbe, seu Cruciatæ Sanctæ, aut alias per Nos, vel alios Romanos Pontifices Successores Nostros, aut dictam Sedem, etiam Motu proprio, & ex certa scientia, Apostolica potestatis plenitudine, sed ad quorum vis etiam Imperatorum, Regum, Reginarum, Ducum, & aliorum Principum instantiam pro tempore quomodolibet factis minime comprehendendi, sed semper ab illis exceptas, & quoties illæ emanabunt, toties in pristinum statum restitutas, repositas, & plenarie reintegratas, ac de novo concessas esse, & censeri. Necnon omnibus, quos illæ concernunt, suffragari debere, irritum quoque, & inane, si secus super his a quoquam quavis auctoritate, scienter vel ignoranter contigerit attentari.

Clausula derogatoria.

§.21. Non obstantibus præmissis, & nostra de Indulgentiis ad instar non concedendis, ac aliis Constitutionibus, & Ordinationibus Apostolicis, ceterisque contrariis quibuscumque, præsentibus perpetuis futuris temporibus duraturis.

Transumptorum fides.

§.21. Volumus autem, ut eorundem præsentium transumptis etiam impressis, Secretarii ipsius Societatis, vel Notarii publici manu, & personæ alicujus in dignitate Ecclesiastica constitutæ, vel pro tempore existentis Præpositi, aut Vicarii Generalis eiusdem Societatis sigillo munitis, eadem prorsus fides ubique locorum in iudicio, & extra adhibeatur, quæ adhiberetur eisdem præsentibus, si essent exhibitæ, vel ostense.

Nulli ergo &c. Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo quarto, Nonis Decembris, Pontificatus nostri Anno XIII.

D.P. An. XIII 5. Decemb.

CLXXVII.

Contra Exules, & alios in Italia commorantes, qui animalia, & alia bona in Statu Ecclesiastico diripiunt, abducunt, recipiunt, vel permutant.

GREGORIUS PAPA XIII.

Universis, & singulis præsentis literas inspecturis, salutem, & Apostolicam benedictionem.

Causa huius Constitutionis.

Non sine gravi animi nostri molestia nuper accepimus, quod licet Nos jam pridem per nostras Constitutiones, & ministri nostri per proclamata, & ordinationes, ac etiam cohortibus armatis, exulum, ac perduellium, flagitiosorumque Hominum audaciam in Statu Nostro Ecclesiastico reprimere, latrociniaque, & delicta prohibere, ac delinquentes ad aliorum terrorem graviter punire omnibus modis conati fuerimus, nihilominus complures exules, & latrones huiusmodi adhuc supersunt, qui propriæ salutis immemores, pœnasque im-

Excommunicantur, dicitur, animalia, & alia bona in Statu Ecclesiastico, vel illa ementes, &c.

positas parvascentes, assidua furta, & latrocinia in animalibus, & jumentis, in statu, & ditione nostra existentibus committere non verentur; nec desunt alii, tam Nobis quam temporalibus dominis circumvicinis subditi, qui animalia, & jumenta illa ita subrepta, sine timore ab ipsismet latronibus emere, & quoquoersum abigere, & distrahere non dubitent, quo fit, ut illis major præbeatur occasio, & materia delinquendi, & affidati Camera Apostolicæ, ipsique Dohanerii Dohanæ nostræ Patrimonii, ac alii pecudarii, & aratores animalia huiusmodi habentes maximum inde patiantur detrimentum.

§.1. Quare Nos huic malo obviam ire, & quieti, ac indemnitati publicæ, quantum in Nobis est, prospicere volentes, ac, ut quos legum, pœnaque corporalis timor non retinet, saltem gladii spiritualis fulgor a malo deterreat, præsertim cum non solum pium, & meritum, sed etiam justum ac necessarium sit, tales continuos ac notorie criminosos, ac ab eis ementes res furtivas utroque gladio, feveritate opportuna, corrigi, atque puniri, perpetuo hoc edicto statimur, omnes, & quoscumque tam huiusmodi animalia, & jumenta, aliasque res, & bona cuiuscumque generis & speciei in statu nostro temporaliter diripientes, abducentes, & furto subtrahentes, quam ementes, permutantes, seu ab eis illa quovis modo recipientes, & cum eisdem contrahentes, seu quovis titulo, colore, causa, vel prætextu penes se habentes, & retinentes, cuiuscumque status, gradus, conditionis, sexus, qualitatis, dignitatis, aut præminentie fuerint, tam laici quam Clerici, & Presbyteri, etiam Regulares, & Sæculares, & non solum in dicto Statu nostro Ecclesiastico, sed etiam in quovis Regno, Statu, Dominio, Territorio, Civitatibus, Terris, & locis univèrsæ Italiæ commorantes, ultra alias pœnas juris, Constitutionum, & proclamatum prædictorum, excommunicationis majoris lata sententiæ pœnam ipso facto incurrere, a qua nullus ab alio quam a Romano Pontifice, aut de eius speciali mandato, præterquam in Mortis articulo constitutus, factaque aut mandata restitutione, vel satisfactione dictorum animalium, jumentorum, rerum, & bonorum huiusmodi dictis affidatis, Dohanerio, & aliis, ut præmittitur, & pro tempore subreptorum, absolutionis beneficium valeat obtinere, ipsamque excommunicationis pœnam ex nunc, prout ex tunc, & e contra adversus inobedientes, & rebelles quoscumque, & ipsorum quemlibet promulgamus per præsentis.

Episcopi, &c. Status Ecclesiastici, & Regni Neapolis, ac Ducatus Hetruriae, & Urbini faciant publicari hanc Constitutionem, quæ sic publicata omnes afficiat.

§.2. Ac mandamus univèrsis, & singulis Archiepiscopis, Episcopis, & aliis Ecclesiarum Prælati, eorumque Vicariis in spiritualibus generalibus totius nostri status prædicti, ac etiam in Regno Neapolitano, ac statu Magni Hetruriae, ac Ferrariæ, & Urbini Ducum in virtute sanctæ obedientiæ, ut cum harum exemplaria, etiam impressa, manu Notarii publici subscripta, sigilloque

personæ in dignitate ecclesiastica constitutæ munita, exhibita eis fuerint, in omnibus Civitatibus, terris, oppidis, locis, castris, ac diocesis, præsertim statui nostro prædicto circumvicinis ad valvas Ecclesiæ matricis Civitatum, Terrarum, Oppidorum, Castrorum, & locorum suæ Diocesis quamprimum affigi, & publicari faciant. Quæ quidem exemplaria, seu transumpta sic affixa, & publicata, ubique, in iudicio, & extra illud fidem faciant, omnesque prædictos, ac alios præsentibus literis nominatos, vel quomodolibet comprehensos taliter ligent, ardent, afficiant, & obligent, ac si unicuique personaliter intimata fuissent.

Clausula derogatoria.

§.3. Non obstantibus Constitutionibus, & Ordinationibus Apostolicis, necnon privilegiis, indultis, exemptionibus, & literis Apostolicis quibuscumque personis quacumque dignitate ecclesiastica, vel temporalis præditis, conjunctim, vel separatim concessis, etiam quibus caveatur expresse, quod excommunicari non possint per literas Apostolicas non facientes plenam, & expressam, & ad verbum de indulto huiusmodi mentionem, ceterisque contrariis quibuscumque.

D.P. An. XIII 7. Decemb.

Datum Romæ apud S. Petrum, sub annulo Piscatoris, die 7. Decemb. 1584. Pontificatus nostri Anno XIII.

CLXXVIII.

Quod Eremitæ Congregationis Camaldulensis Ordinis S. Benedicti, religiosos alterius Ordinis recipere possint. Ipsi vero ad alium etiam Eremitarum S. Romualdi Montis Coronæ transire nequeant.

Quæ spectant ad istam Congregat. Camaldulensem, vide in Const. XXI/III. Alexan. II. Nulli 7. II. fol. 19. ubi plene dixi. Quæ vero Congregationem Eremitarum S. Romualdi respiciant, attende in Clementis VII. Const. XXI/1. Vestrum Tom. IV. P. I. fol. 76. ubi dixi.

GREGORIUS PAPA XIII.

Dilecto filio Priori Generali Monachorum Ordinis Camaldulensis, nunc, & pro tempore existenti.

Eremitæ Camaldulensis commendatio.

Ea est Eremitæ Camaldulensis Aretinensis Diocesis antiquitas, & Monachorum in aspera illa solitudine Deo assidue famulantium religio, ac morum, vitæque innocentia, & sanctitas, quæ omnia non solum ab aliis sæpe audivimus, sed etiam nostris oculis aliquando vidimus, & admirati sumus, ut merito sacrum illum locum, & Ordinem dignum semper, qui præcipue privilegiis fulciatur, iudicemus.

Confirmatio privilegiorum.

§.1. Itaque omnes gratias, indulta, & privilegia eidem Ordini, & Eremitæ a Rom. Pontificibus Prædecessoribus, sub recipientibus quibuscumque quarumvis Religionum, & Ordinum Mendicantium Fratrum religiosorum, ad ipsos transire volentibus concessa, rata, & firma esse volentes, & quatenus opus sit, auctoritate Apostolica tenore præ-

1585.

Contraveni-
tibus poen-
infiguntur.

Contraria-
submoventur.

D.P. An. XIII
4. Januarii.

Ex Reges. in
Secret. Brev.

Exordium.

Facili series.

praesentium innovantes, Tibi qui ex illis unus es, ac omnibus tecum in eodem Ere- mo Altissimo famulantibus, districte praecipimus, & inhibemus, ne ad alium Ordinem, & Religionem, nec etiam ad aliam, quae Montis Coronae vocatur ejusdem Ordinis Camaldulensis, sine expresso consensu, & licentia Superioris ipsius Eremitae, qui Major appellatur, in scriptis obtenta, transire audeant.

§.2. Et si qui contrafecerint, excommunicationis, Apostasiae, & aliis congruis, & arbitrio suo, successorumque suorum infligendis, & declarandis poenis, subiacere decernimus, ita ut contrafacientes capi, puniri, & ad redeundum cogi possint; ad quae omnia faciendae, decernendae, & exequenda, & ubi opus sit, brachium saeculare invocandum, plenam, & liberam tibi, & successoribus tuis eadem auctoritate damus, & concedimus facultatem.

§.3. Non obstantibus Constitutionibus, & Ordinationibus Apostolicis, necnon indultis, privilegiis, exemptionibus, aliis religionibus quocumque modo concessis, approbatis, & innovatis, ceterisque contrariis quibuscumque.

Datum Romae apud S. Petrum, sub anno Piscatoris, die 4. Januarii 1585. Pontificatus nostri Anno XIII.

CLXXIX.

Confirmatio Privilegiorum Universitatis Studii generalis Lovanien.

GREGORIUS EPISCOPUS
SERVUS SERVORUM DEI

Ad perpetuam rei memoriam.

IN praecedenda Militantis Ecclesiae Sede, divinitus collocati profundaue considerationis indagine perscrutantes, quam praecipuum sit donum a Patre luminum procedens literarum scientia, quae tenebrosas discutens caligines sapientia vivificat, ac producit, per quam iustitia undique colitur, & omnis humanae conditionis prosperitas augetur, ad illas omnibus rationibus alendas jugiter intenti, nihil in Republica Christiana preclarior, aut stabilior, nihilque perinde necessarium arbitramur, quam ea, quae a Praedecessoribus nostris pro Doctorum virorum Conventibus manutendis provide concessa dicuntur, ea qua possumus, ratione solidemus, ac quorumlibet, praesertim Catholicorum Regum id expectantium vota grato admittimus assensu, pro ut & rerum qualitas exigit, & in Domino conspicimus salubriter expedire.

§.1. Sane charissimus in Christo filius noster Philippus Hispaniarum Rex Catholicus, tam suo, quam dilectorum filiorum Universitatis Studii generalis Oppidi Lovanien., olim Leodien., nunc vero Melsclinien. Diocesis, necnon facultatis artium ejusdem Universitatis nominibus, Nobis nuper exponi fecit, quod alias fel. rec. Six-

Privilegia a Sixto IV. concessa Universitati Lovanien.

tus Papa IV. Praedecessor noster ex certis tunc expressis causis bonae memoriae Feruci tituli S. Vitalis Presbyteri Cardinalis, qui tunc Ecclesiae Tornaceni. ex dispensatione Apostolica praerat, ac clarae memoriae Maximiliani Romanorum Imperatoris, tunc Austriae Ducis, ac tunc existentium Doctorum, Magistrorum, & Scholarium dictae Universitatis supplicationibus inclinatus, ac praedicti Cardinalis grata intercessione, & fidei Consilio inductus, Rectori ejusdem Universitatis pro tempore existenti de quinque Magistrorum, ad id in Congregatione solita ipsius Universitatis deputandorum consilio, & assensu nominando singulis Praelatis, Capitulis, Collegiis, Conventibus, & personis Ecclesiasticis utriusque sexus secularibus, & regularibus, etiam Abbatifali, Abbatiali, Episcopali, Archiepiscopali, aut Cardinalatus fungerentur dignitate, & honore, ad quos, quas, vel quae Canonatum, & Praebendam, ac administrationem, & officiorum, ceterorumque beneficiorum ecclesiasticorum quorumlibet cum cura, vel sine cura in terris temporalis Domini dicti Maximiliani Imperatoris, & recol. mem. tunc in humanis agentis Philippi ipsius Maximiliani Imperatoris primo geniti consentientium collatio, provisto, praesentatio, electio, seu quavis alia dispositio communiter, vel divisim pertineret, & eorum cuilibet, etiam si aliqui extra terras easdem Sedem, & residentiam haberent, dummodo tamen plus quam de sex beneficiis, seu officiis hujusmodi disponere, vel providere, ad illa praesentare, eligere, vel nominare, seu alias illa quovis locorum fundata conferre, haberent: Si Praelati, videlicet, vel Praelatus, aut aliae singulares personae vita, & Praelatura, ac administratione eorum durante semel dumtaxat: Si vero Capitula, Collegia, vel Conventus forent, singulis viginti annis, unum clericum ex studentibus, & graduatibus dictae Universitatis, ac in illa residentibus, qui ultra quadraginta florenos auri de Camera annuatim non haberet, vel qui ob paupertatem gradum assequi non posset, facultatem perpetuis futuris temporibus duraturam, per quasdam suas concessit, & ut sic nominare possint, de Apostolica potestate plenitudine indulget, ac voluit, & auctoritate Apostolica, similique potestate statuit, & ordinavit, quod Praelati, Capitula, Conventus, Collegia, & personae hujusmodi, ac successores eorum, quibus hujusmodi nominationes factae forent, eisdem Clericis sic nominatis perpetuo de uno beneficio ecclesiastico cum cura, vel sine cura clerico seculari in titulum conferri, ac per talem regi, & gubernari solito, dispositioni Apostolicae generaliter non reservato, aut ex generali reservatione affecto, etiam si Canonatus, & Praebenda, administratio, vel officium in Collegiata, aut scolastica, matricularia, vel custodia in Parochiali Ecclesia, vel Cappella esset, & ad administrationem, vel officium hujusmodi consuevisset quis per electionem assumi, eique cura immi-

Alia privilegia a Leone X.

immineret animarum, cujus fructus, redditus, & proventus triginta florenorum Remen. aureorum secundum communem estimationem valorem annum non excederent, quod post nominationem hujusmodi ipsis Praelatis, Capitulis, Collegiis, Conventibus, & personis de se factam, & praesentatam quovis mense Apostolico, vel ordinario nuncupato perpetuis futuris temporibus vacare contingeret, ipseque sic nominatus per se, vel Procuratorem suum ad id ab eo specialiter constitutum infra unius mensis spatium duceret acceptandum, possent, tenerenturque, & deberent omnino providere, inhibitione, & decreto opportunis desuper appositis.

§.2. Et deinde pia mem. Leo Papa Decimus, etiam Praedecessor noster ejusdem Maximiliani Imperatoris, & similis mem. Caroli V. eorumdem Romanorum Imperatorum, tunc Archiducis, ac Margaritae Archiducissae Austriae, necnon Decani, & facultatis artium hujusmodi supplicationibus inclinatus per alias suas literas, quod Decanus, vel Vice-Decanus pro tempore dictae facultatis de assensu, & consilio Receptoris, & Procuratorum, etiam pro tempore quatuor nationum ejusdem facultatis per se, vel ad id ab eis ob suorum absentiam, vel alias ne nominationes differrentur, substituendos praesentando; seu majoris partis eorumdem, possent singulis decem annis a data literarum Leonis Praedecessoris hujusmodi computandis, quibuscumque Collegiis, Capitulis, & Conventibus semel: Praelatis vero collatoribus, collatricibus, & aliis singularibus personis habentibus dispositionem, etiam qualemcumque beneficiorum, vel officiorum ecclesiasticorum in dictis terris temporalis Domini Maximiliani, & Caroli Imperatorum praedictorum, seu quae eisdem, vel alteri eorum, aut legitimis ipsorum haeredibus spectabant, seu spectarent, & pertinerent pro tempore, quo illi, vel illis subiectae essent, necnon in Civitate, & Patria Leodien., & Comitatu Loffen., & Ducatu Bullonien., & etiam in Civitate Cameracen., & Comitatu Cameracensi, ac Tornaceni, Morunen., & Atrebaten. Civitatibus, & Diocesis, & in Civitate Trajecten. consentientium, etiam si aliqui eorum extra Terras, & loca praedicta sedem, & residentiam haberent, & quacumque praefulgerent dignitate bis, seu duabus distinctis vicibus vita, praelatura, & administratione eorum durante unum ex dictis Magistris in artibus, qui inibi in facultate praedicta sex annis legisset, seu rexisset, vel ob doctrinae eminentiam ad docendam logicam, aut philosophiam Aristotelis admissus, seu in illa novem annis promotus, & gradus foret, & de illius consilio esset, vel aliquando fuisset, & qui pro ea prima vice dumtaxat, etiam ultra octuaginta florenos auri de Camera similes annuatim haberet; alios vero de cetero ultra dictos octuaginta florenos auri de Camera similes non haberet, perpetuis futuris temporibus nominare, ipseque nominatus quodcumque benefi-

cium, seu officium ecclesiasticum cum cura, vel sine cura in dictis literis expressum eidem dispositioni Apostolica reservatione generali in corpore juris clausa non reservatum, cujus fructus, redditus, & proventus sexaginta floren. auri de Camera similia, oneribus deductis, ita quod ex illo ipse nominatus commodius sustentaretur, valorem annum secundum estimationem praedictam non excederent, quovis etiam mense Apostolico, vel ordinario acceptare valeret, nec sic nominatus teneretur nominationes hujusmodi consummare Capitulis, Collegiis, Conventibus Praelatis, collatoribus, collatricibus, vel singularibus personis praedictis, seu alicui eorum, aut post acceptationem factam de beneficio, seu officio vacante collatorem ipsum, vel collatricem, seu Capitula, Collegia, vel Conventus hujusmodi pro collatione requirere, sed quod possent vigore dictae nominationis de persona sua factae ab executoribus in literis Sixti Praedecessoris hujusmodi deputatis, seu Decano Ecclesiae S. Petri dicti Oppidi Lovanien. pro tempore existentibus, quibus a dicto Decano, & cuilibet eorum idem Leo Praedecessor committebat, & mandabat, de beneficio, seu officio vacante, sibi provideri facere, plenarie dictae auctoritate Apostolica absque ulteriori requisitione ipsorum collatorum, Capitulum, & Conventuum, Collegiorum, vel personarum praedictarum. Ac post acceptationem ad instar expectantium Apostolicorum, & pro ut in gratiis expectativis observabatur, insinuare, & se in corporalem possessionem poni, & induci facere possent.

§.3. Et si contingeret per dictam Universitatem, seu illius Rectorem, & Decanos aliquem Bachalaureum in Jure, vel Medicinam, per praedictam vero facultatem artium, seu illius Decanum, & personas praedictas aliquem Magistrum artium nominari, eodem, vel diversis temporibus, ad eandem collationem, quod nominatus per facultatem, seu personas praedictas, tamquam magis meritis, & qualificatus praerferretur, licet literae nominationis alterius essent de priori data. Si vero utrobique contingeret artium Magistros, vel aequae qualitates nominari, quod tunc in casu concurrentiae super acceptatione ejusdem beneficii servaretur jus commune, vel dispositio regularum Cancellariae quoad Praelationem, seu praerferentiam. Quodque soli residentes in dicta Universitate jus nominationum acquirere, vel servare, & in locum decedentium, seu mutantium residentiam, aut nominationibus suis cedentium alii, toties, quoties per ipsam facultatem, modo praemisso nominari possent. Et quod Magister artium prius per ipsam Universitatem nominatus nihilominus per dictam facultatem artium modo praedicto nominari valeret, etiam ad eandem collectionem, & utraque nominatione gaudere, & uti, ac quod semel nominatus possent secundo, & tertio nominari, quandiu ultra octuaginta ducatos similes de Camera annuatim in annuis

nis redditibus, seu fructibus beneficiorum non haberet, & quod nihilominus juniores magistri ejusdem facultatis, de quibus non fuerat facta mentio, seu qui dictum tempus non attigerant, possent per eandem facultatem, seu illius personas predictas nominari, & acceptare beneficia valoris in literis Sixti Prædecessoris hujusmodi expressi, omnesque sic pro tempore nominati præferrentur, & præferri deberent quibuscumque aliis etiam habentibus primarias preces Regales, & Imperiales, seu alias nominationes, etiam vigore quorumvis privilegiorum, & indultorum Apostolicorum, quibuscumque aliis studiis generalibus, etiam Parisien., tunc, & pro tempore, etiam si motu, auctoritate, & potestate similibus concessorum, cum decreto irritanti, si secus scienter, vel ignoranter foret ab aliquo attentatum, cum inhibitionibus, antelationibus, & prærogativis, derogationibus, ac aliis clausulis in literis Sixti Prædecessoris hujusmodi contentis, ceterisque in., & contra præmissa necessariis fortioribus, & inexcogitabilibus perpetuo statuit, & ordinavit, seu literas, & facultates Sixti Prædecessoris hujusmodi cum inhibitionibus, decretis, deputationis executorum, ac omnibus, & singulis aliis in eis contentis clausulis ad hoc extendit, & ampliavit, quodque literis Leonis Prædecessoris hujusmodi non insertis certo modo, & forma tunc expressis derogari possent, nec derogatum censetur, decrevit, & declaravit.

§.4. Ac successive per dictum Leonem Prædecessorem accepto, quod pro eo quod post concessionem literarum suarum prædictarum, matura deliberatione de tunc ejusdem S. R. E. Cardinalium consilio, & assensu, ex certis tunc expressis, & aliis rationabilibus causis omnes, & singulas gratias expectativas, & speciales reservationes de quibusvis Patriarchalibus, Metropolitanis, aut Cathedralibus Ecclesiis, ac Monasteriis, dignitatibus, personatibus, administrationibus, officiis, aliisque beneficiis ecclesiasticis, cum cura, vel sine cura secularibus, & quorumvis Ordinum regularibus in favorem quorumcumque, etiam doctorum Cardinalium, ac etiam illorum, necnon Imperatoris, Regum, Reginarum, Ducum, Marchionum, & aliorum Principum, & Universitatum, quacumque Ecclesiastica, vel mundana dignitate fungentium, intuitu, vel respectu, & ex quibusvis, etiam urgentissimis, & excogitabilibus causis, ac cum quibusvis, etiam derogatoriis derogatoriis clausulis quo ad ea, in quibus non ex verbis, sed realiter non erant plenum, & verum sortita effectum concessas cum irritanti appositione Decreti per quandam, revocaverat, cassaverat, irritaverat, & annullaverat, & revocatoriam hujusmodi juxta illius tenorem per aliam innovaverat, & quas ab eo ex tunc de cetero emanari contingeret, similes gratias sub illis comprehensas esse voluerat, & postmodum per alias Constitutiones suas debitas, & annis tunc expressis in Cancellaria Apo-

stolica publicatas omnes, & singulas specialium reservationum, facultatum, & aliarum gratiarum a se emanatarum factas revocationes innovaverat, a nonnullis de viribus facultatis, & literarum prædictarum hæsitabatur, idem Leo Prædecessor per reliquas suas literas, motu, auctoritate, & potestate paribus declaravit facultates, & desuper confectas literas prædictas, cum omnibus, & singulis concessionibus, indultis, statutis, ordinationibus, & aliis in eis contentis clausulis, ac inde sequuta quacumque, quoad beneficia sub illis comprehensa, tam actu vacantia, quam in posterum vacatura per prædictas, & alias quascumque literas, Constitutiones, & Cancellariæ prædictæ regulas, quæ etiam super revocatione, & illarum innovatione, ac suspensione, vel modificatione gratiarum expectatarum specialium, vel generalium reservationum, ac similibus, vel dissimilibus facultatum, nominationum, statutorum, ordinationum, concessionum, & gratiarum, etiam perpetuarum, etiam ex quibusvis causis quantumcumque maximis, & urgentissimis, quæ a se, & Sede prædicta, etiam consistorialiter, ac cum quibusvis clausulis, etiam derogatoriis derogatoriis, fortioribus, efficacioribus, & insolitis, ac inhibitionibus, & decretis, etiam irritantibus tunc emanassent, & in posterum emanarent, minime revocatas, suspensas, limitatas, vel modificatas fuisse, & esse, aut revocari, cassari, suspendi, limitari, vel modificari potuisse, neque in futurum posse, nisi dum, & quoties in hujusmodi futuris revocationibus, suspensionibus, & modificationibus de aliis Sixti, ac suis prædictis literis, ac duabus datis earumdem nomineque, & dignitate ipsius Maximiliani Imperatoris, tam, quamdiu in humanis ageret, quam eo vita functo specialis, specifica, & individua, non autem per clausulas generales idem importantes mentio facta foret, & ipse Leo Prædecessor, vel Successores sui Romani Pontifices pro tempore existentes per diversas literas in forma Brevis duceret, seu Successores præfati ducerent publice in eadem Universitate insinuandum, sive, Successorum eorumdem intentionis, esse literas hujusmodi ex aliqua causa revocare, suspendere, vel modificare cum intervallo unius mensis inter datas singularum literarum in forma Brevis hujusmodi, & non alias, aliter, nec alio modo, & si forsan ullo modo literas hujusmodi contingeret revocari, suspendi, vel modificari, seu jam tunc revocatas fuisse, ex tunc, prout ex eo die, & quoties sic revocatas, vel suspensas forent, in suum pristinum, & in eum, in quo ante revocationem, suspensionem, vel modificationem hujusmodi quomodolibet erant, statum plenarie reposuit, restituit, & reintegravit, ac plenarie repositas restitutas, & reintegratas fuisse, & esse declaravit, irritante decreto similiter apposito.

§.5. Cumque etiam postmodum a recolenda mem. Hadriano Papa VI. simili-

ter
Alia Hadriani VI. Privilegia seu concessionum innovatione.

ter Prædecessore Nostro ad summi Apostolatus apicem assumpto, nonnulla revocationes nominandi facultatum, & illarum vigore factarum nominationum, quæ suum non erant sortite effectum, emanassent, dictus Hadrianus Prædecessor singulas literas Sixti, & Leonis Prædecessorum hujusmodi cum omnibus, & singulis derogationibus, decretis, & clausulis in eis contentis, nec non ipsam facultatem artium, & illius personas hujusmodi adversus singulas revocationes prædictas in pristinum, & eum statum, in quo ante illas quomodolibet erant, quatenus opus esset, restituens, reponens, & plenarie reintegrans singulas literas Sixti, & Leonis Prædecessorum hujusmodi, & in eis contenta quacumque motu, & scientia similibus, ac de Apostolica potestatis plenitudine approbavit, & innovavit, ac perpetuæ firmitatis robur obtinere decrevit, & pro potiori cautela, illa omnia de novo, ita quod Decanus, vel Vice-Decanus facultatis artium hujusmodi modo in literis Leonis Prædecessoris hujusmodi expresso, quibuscumque Collegiis, Capitulis, & aliis personis, etiam quacumque dignitate, vel honore fungentibus qualemcumque dispositionem Beneficiorum, vel Officiorum Ecclesiasticorum habentibus, in Terris temporalis Domini dicti Caroli Imperatoris, ac Civitate, & Patria Leodien., & Comitatu Loysen., & Ducatu Bullonien., nec non in Civitate Cameracen., & Comitatu Cameracen., ac Tornacen., Morinen., Atrebaten. Civitatibus, & Diocæsis singulis prædictis, ac in Civitate, & etiam Diocæsis Trayecten. consentientium Magistris in artibus in dicta facultate artium promotos, & graduatos, ut præfertur, nominare, ac nominati hujusmodi quacumque beneficia, & officia videlicet seniores artium Magistri, qui dictum tempus attigissent, vel sex annis in facultate prædicta legisissent, seu rexissent, vel ob doctrinam eminentiam ad docendum Logicam, vel Phisicam Aristotelis admitti, seu in illa novem annis promoti, & graduati forent, & de illius Concilio essent, vel aliquando extitissent, ea quorum sexaginta ducatorum auri de Camera; Juniores vero, qui dictum tempus nondum attigerant, quorum triginta florenorum Remen. aureorum grossi fructus, oneribus non solum perpetuis personalibus, & realibus, sed etiam pensionibus annuis aliis personis super eisdem beneficiis, & officiis reservatis, sicque super iis essent reservata, & quibuscumque aliis oneribus valorem fructuum, quos absens in studio, aut alio loco privilegiato, reciperet, diminuentibus plene, & totaliter deductis, ita ut ex illis ipse nominatus in hujusmodi loco privilegiato commodius sustentaretur, valorem annum respectivo non excederet, quovis etiam mense Apostolico, vel Ordinario, per se, vel Procuratorem suum legitimum ad id specialiter constitutum infra unius mensis spatium non a die obitus ultimi possessoris, sed a die, quo illi sic nominato, vel eidem Procuratori de hujusmodi beneficii vacatione constaret, com-

Bull. Rom. Tom. IV. Par. IV.

putan., etiam si hujusmodi beneficia, cum cura, vel sine cura Clerico faculari in titulum conferri, & per talem regi, & gubernari solita, Canonicatus, & Præbende, Dignitates, Personatus, administrationes, vel officia, etiam curata, & electiva in Cathedralibus, etiam Metropolitanis, vel Collegiatis, aut Scolasticis, matriculariæ, seu custodia in Parochialibus Ecclesiis, vel Cappella, seu quocumque alio nomine nuncupata, ac dispositioni Apostolicæ quomodolibet, præterquam reservationi generali in corpore juris clausa reservata forent, etiam si hujusmodi artium Magistris modo prædicto nominati pro tempore hujus nominationis minores annis, vel illegitimi existerent, beneficia, etiam curata dummodo tempore vacationis illorum beneficiorum atatem legitimam attingerent, aut cum eis super atatis, vel natalium defectibus sufficienter dispensatum esset, absque nova nominatione prius facienda acceptare, & de illis in vim literarum Leonis Prædecessoris hujusmodi dumtaxat, & processum desuper pro tempore decretorum, quos totum tenorem literarum prædictorum Sixti, & Leonis Prædecessorum continere non oporteret, sed illam literarum Leonis Prædecessoris hujusmodi partem, quæ infra scriptis executoribus, aut eorum alicui convenire videretur, aut etiam solam particulam, quod notorium esse dignoscitur, inferere sufficeret, quibus etiam omnino, quo ad id staretur, & stari deberet in iudicio, & extra, ac si totus tenor literarum Sixti, & Leonis Prædecessorum hujusmodi de verbo ad verbum infereretur, aut foret insertus per Sanctæ Gertrudis intra, & Beate Mariæ Parnen. extra muros dicti Lovanien. Monasteriorum Abbates, ac Sanctæ Ondulæ Bruscellen. Oppidorum, nec non Sancti Petri, etiam Lovanien. Ecclesiarum Decanos dictarum Leodien., & Cameracen. Diocæsum executores in eisdem literis Sixti, & Leonis Prædecessorum deputatos, seu eorum aliquem, aut quacumque personam in dignitate Ecclesiastica constitutam, pro executoribus, seu quemcumque Notarium publicum, aut Presbyterum, vel Clericum, per dictos Magistris artium nominatos, aut eorum quemcumque pro sub executoribus eligendam, seu eligendum sibi provideri facere, ipsique executores, & subexecutoribus eos, & eorum quemlibet in corporalem possessionem sic pro tempore acceptatorum beneficiorum, & illorum jurium, & pertinentiarum omnium pro hujusmodi provisione, aut possessione profructus irrequisitis ordinariis collatoribus inducere.

§.6. Et quod tam seniores, quam juniores artium Magistri prædicti secundo, tertio, ac toties nominari, videlicet seniores, qui tempus illud prædictum attigissent, donec octuaginta, Juniores vero donec quadraginta florenos auri de Camera in fructibus beneficiorum, aut certis annuis redditibus, oneribus, modo prius expresso deductis annuatim ha-

M